



## Publicaziuns dalla vischnaunca, jamna 36

### Lubientscha da baghegiar

L'istanza da baghegiar ha concediu suandontas lubientschas da baghegiar:

**Nr. 2014-1029.000**

Linus Jacomet, Via Crestas 20, 7183 Mumpé Medel; sanaziun dalla tegia e dil clavau, parcella 3297, Muota Pigniel, 7183 Mumpé Medel.

**Nr. 2014-1032.000**

Alois Giusep Albin-Flepp, Fuorns 216, 7184 Curaglia ed Iso Albin, Wiesentalstrasse 93, 7000 Cuera; sanaziun dalla casa, parcella 597, Via Funs-Dado 4, 7180 Disentis/Mustér.

*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

**Nr. 2014 – 2081.000**

Flavio e Rosangela Giger-Klais, Via Vallars 10, 7186 Segnas; engrondaziun dil plaz da parcar, parcella 172, Via Vallars 10, 7186 Segnas.

**Nr. 2014 – 2082.000**

Anna Bossi-Huonder, Märzenbühlstrasse, 15A, 8102 Oberengstringen; refrestgentar las fatschadas e las schalusas dalla casa, parcella 2287, Via Salez 17, 7180 Disentis/Mustér.

**Nr. 2014 – 2083.000**

Paul e Letizia Duff, Via Denterpraus 2, 7186 Segnas; installar ina pompa da calira cun aria, casa sin parcella 413, Via Denterpraus 2, 7186 Segnas.

**Nr. 2014 – 2086.000**

Dieter Riklin, Freistrasse 21, 8032 Turitg e Kathy Riklin, Schipfe 45, 8001 Turitg, stabiliment fotovoltaic sin l'ala-tetg enviars vest, casa sin parcella 561, Via Funs-Dado 5, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla supras-tonza communal.

*Uffeci da baghegiar Disentis/Mustér*



### Santeri Sogn Gions Mustér – Sclamada da fossas

Per saver realisar la fossa communabla en santeri da Sogn Gions vegnan las fossas sisum santeri, las quallas il temps da ruaus ei spiraus, sclamadas.

Tenor las prescripziuns digl art. 12 dalla lescha davart il satrar ed igl uorden santeri dalla vischnaunca da Mustér munta il temps da ruaus per fossas 20 onns.

Las suandontas fossas en santeri Sogn Gions vegnan sliadas si:

- Beer Maria
- Lutz-Giger Maria Luisa
- Petschen-Andriuet Margreta e Gion
- Flepp-Manetsch Rosa
- Dermon-Werth Anton
- Hosang Giuseppa
- Ciura Marek
- Maissen-Berther Maria Lucia
- Giger-Sialm Damian
- Monn-Steger Monica
- Desax Leci

Nus supplichein ils vegnetsuenter resp. talas personas ch'ei responsablas per las fossas d'allontanar cruschs, monuments e fluras entochen ils **15 da november 2014** ni d'informar igl uffeci da baghegiar co igl ei da proceder. Las ramas dallas fossas vegnan demontadas entras la vischnaunca, medemamein tuttas cruschs e monuments ch'ei buca vegni allontanai entochen ils 15 da november 2014.

Nus supplichein Vus da prender enconuschientscha ed engraziein gia ordavon per Vossa collaboraziun e Vossa capientscha.

*Uffeci da baghegiar Disentis/Mustér*

---

### Manteniment da vias e sendas

La vischnaunca da Mustér s'adressa als vischins e vischinas ed uniuns interessadas da segidar vid il manteniment da sendas e vias da cultivaziun (vias forestalas e vias funsilas). Sil territori dalla vischnaunca da Mustér sesanfla ina reit da sendas marcadadas e signalisadas da ca. 160 km. La reit da vias da cultivaziun ei medemamein dètg liunga e pretenda la duida atenziun.

Nus envidein tuttas e tuts interessai d'annunziar lur interess pil manteniment da sendas e vias funsilas. L'indemnisaziun vegn fixada en fuorma d'ina pauschala annuala a norma d'in sempel carnet da duers e d'in temps d'engaschi fixau. Lavurs supplementaras stuessen vegnir coordinadas cul menaschi tecnic.

Interessents ch'ei promts da surprender la respon - sabladad pil manteniment d'ina senda ni d'ina via da cultivaziun ein supplicai d'annunziar lur interess entochen venderdis, ils **31 d'october 2014**. Las annunzias han da succeder a scret.

Per ulteriur sclariment stattan il menader digl uffeci da baghegiar ni il forester communal bugen a Vossa disposiziun.

Disentis/Mustér, ils 18 d'uost 2014  
*Suprastonza communal Disentis/Mustér*



### **Dis europeics dil monument 2014**

La sonda, ils **13 da settember 2014** ha liug a Mustér ils 21avel dis europeics dil monument 2014. Igl uffeci da cultura dil Grischun (tgira da monuments e survetsch archeologic) ha preparau in vast program per quella occurrenza.

L'occurrenza ei publica, personas interessadas san s'annunziar tier la tgira da monuments dil cantun Grischun:marlene.fasciati@dpg.gr.ch

Il program vegn publicaus en casa communal.

*Administraziun communal Disentis/Mustér*

---

### **Sera da troccas a Mustér**

Nus lein puspei envidar ad ina sera da troccas per in e scadin. L'emprema sera ha liug mardis, ils 9 da settember 2014 naven dallas 19.00 el hotel «La Furca». Era novizs che vulan emprender da dar troccas ein cordialmein beinvegni. Cordialmein envidan

*Gion Michel Flepp, Marco e Romeo Schmed*

---

### **Di dallas portas aviartas ella serenera a Raveras/Mustér**

**Sonda, ils 13 da settember 2014** ha liug il di dallas portas aviartas sigl areal dalla serenera a Raveras. Tuttas convischinas e tuts convischins che han interess ein cordialmein envidai da far ina viseta guidada atras il menaschi dalla serenera a Raveras.

Naven dalla 9.00 entochen las 12.00 dat ei mintgamai allas 9.00, 10.00 ed allas 11.00 ina guidada accompignada atras la serenera.

Als visitaders vegn purschiu in mudest pushegn. Nus selegrein sin ina stedia participaziun ed engraziein per Vies interess.

*Il team dalla serenera*

---

### **Dismessa nunlubida da fein**

L'aura bletscha da questa stad ha buca lubiu da metter il fein en clavau sco auters onns per saver maganisar el leu aschia ch'el piteschi buca donn. Plinavon eis ei muort la stad humida era buca stau pusseivel da ventilar il fein sco quei fuss necessari. En consequenza ha il fein pitiu donn ed ei per part smarschius. Fein smarschiu ei vegnius transportaus sin deponias selvadias ni a Raveras. Quei fein ha caschunau leu immissiuns e disturbis ch'ei buca destinai per quei liug.

La vischnaunca fa attent ch'igl ei scumandau da deponer fein ed auters materials organics sin deponias selvadias. Quei scamond vala schibein enteifer sco era ordeifer igl uaul. Tier surpassaments vegnan ils caschunaders castigiai. Sa la vischnaunca buca eruir ils caschunaders, vegn fatg ina denunzia.

Pils menaschis purils exista la pusseivladad da cumpostar il fein. Ei quei buca pusseivel, eis ei obligaziun d'encurir sligaziuns cun la vischnaunca (sedrizzar ad Aluis Cabernard, causerenera, tel. 081 947 57 31). Nus supplichein ils purs sco era vischinas e vischins d'observar las prescripziuns vertentas e da contribuir ad in bi maletg da nossa vischnaunca.

*Suprastonza communal*



### Invitaziun ad ina sera d'orientaziun e discussiun

Cu: **Gliendisdis, ils 8 da settember 2014 allas 20.15**  
Nua: halla Cons, Disentis/Mustér

Cuntegn

- Lescha davart la taxa da hosps e la taxa da turissem
- Project da recumpensa renaturalisaziun Fontanivas

### Lescha davart la taxa da hosps e la taxa da turissem

La lescha actuala davart la taxa da cura e la taxa per promover il turissem datescha digl onn 1998. Sin fundament da quella lescha incassescha la vischnaunca ina taxa da cura ed ina taxa per promover il turissem.

Ina cumissiun predeliberonta ha elaborau ina lescha sco era in regulativ davart la taxa da hosps e la taxa da turissem. Sco basa ha la lescha da hosps e da turissem dallas vischnauncas da Flem/Laax/Falera surviu. La lescha preveda dapertut nua ch'igl ei pusseivel pauschalas per simplificar il rendaquen e cheutras cunzun promover hotels ed alloschaders professionals.

A vesta dalla gronda actualitad ed impurtonza per nossa destinaziun turistica vegn la populaziun informada.

Cordiala invitaziun a tuts interessai.  
*Suprastonza communal Disentis/Mustér*

---

### Annunzias per la fiera s. Martin

La fiera da s. Martin ha liug uonn gliendisdis, ils *10 da november 2014*.

Annunzias per stans da fiera ein da far a scret entochen *mesjamna, ils 24 da settember 2014* all'administraziun communal.

### Annunzias suenter quei termin san buca pli vegnir risguardadas.

*Administraziun communal*

---

### Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat.

Il temps che va aschia a piarder ha ils davos dus onns caschunau la veta a duas personas el Grieschun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: clamei ils pumpiers mo sur il clom d'urgenza 118.

Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet:  
[www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!  
*Vos pumpiers Sursassiala*



## Rimnada da pupi

**Venderdis, ils 3 d'october 2014**

*Adatg! Ei vegn mo rimnau:  
gasettas, illustradas, catalogs, cudischs e prospects stampai*

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds paccs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjamas (16.00– 17.30) e sondas (10.00–12.00) e buca durant la rimnada.

Bien engraziament per Vies agid e sustegn!  
*Scolas Mustér, Ch. Berger*

---

## Mustér saulta ...

**Tango, salsa, rock'n'roll**

Cu? Mintga venderdis dallas 20.15–21.45  
Nua? Aula, scola claustrala (ni Aua Viva/Raveras)

**Entschatta? Ils 12 da settember 2014**

Cuoz? Diesch ga ... Per tut tgi che ha plascher, vegn purschiu da cuntinuar il cuors!  
Tgi? Annada 1999+ dus a dus (pusseivel era dus dalla medema schlatteina!  
Annunzias: tochen ils 9-9-2014, 079 480 81 54, era sms ni [j.berger@gymnasium-kloster-disentis.ch](mailto:j.berger@gymnasium-kloster-disentis.ch), ni [movis@bluewin.ch](mailto:movis@bluewin.ch)

Sin buna participaziun selegnan  
*ils Movis e menader*

---

## Uniun da gimnastica da dunnas

Preavis fiera da resti d'affons a Mustér

**Venderdis, ils 26-9-2014 allas 19.00–21.00.  
Sonda, ils 27-9-2014 allas 9.00–10.30.**

Ulteriuras informaziuns suondan.  
*Mummas cun affons pigns*

---

## Uniun samaritana Mustér

Nies proxim exercezi meinsil ha liug **gliendisdis, ils 8 da settember 2014**. Nus serimnein allas 19.30 alla staziun Acla da Fontauna MGB.

Trer en resti cauld cun quei ch'ils posts han liug giuado.

A stedia participaziun envida  
*la presidenta*



### **Uniun da dunnas Mustér**

#### **Fiera da Nadal a Mustér**

*Dumengia, ils 23 da november 2014 organisescha l'uniun da dunnas la fiera da Nadal. La fiera ha liug naven dallas 11.00–19.00 sin la plazza da scola a Mustér.*

Annunzias ein da far tochen igl 1. da november 2014.

Per damondas ed annunzias stat Fabiana Candinas bugen a disposiziun, tel. 081 947 42 88/  
079 373 61 58 ni fcandinas@gmx.ch.

---

### **Uniun da dunnas Mustér**

L'uniun da dunnas Mustér organisescha il suandont cuors:

#### **Figuras da Nadal**

Menadra: Marlis Lutz, Mustér  
Liug: Local uniun da dunnas Mustér  
Temps: 19.00–22.30